

第十卷 茅 二 丹

草取其苦辛散邪甘平除熱合而用之能調
寒熱也後人易名甘桔湯通治咽喉口舌諸
病 南陽活人書治傷寒腹脹陰陽不和者

桔梗半夏湯主之桔梗半夏陳皮各三錢薑
五片煎服 簡要濟衆方治痰嗽喘急桔梗

一兩半爲末用童子小便半升煎四合去滓
溫服 仲景金匱玉函方治肺癰咳嗽胸滿
振寒脉數咽乾不渴時出濁唾腥臭久久吐

膿如粳米粥者桔梗一兩甘草二兩水三升
煮一升分溫再服朝暮吐膿血則瘥 千金

方治喉痺毒氣桔梗二兩水三升煮一升頓
服 仲景傷寒論少陰證二三日咽痛者可

與甘草湯不瘥者與甘桔湯主之桔梗一兩
甘草二兩水三升煮一升分服又可治口舌

生瘡 永類鈴方治齒齲腫痛桔梗薏苡仁

等分爲末服 經驗方治骨槽風牙齦腫痛

者桔梗爲末棗瓢和丸皂子大綿裹咬之仍以荆芥湯漱之
衛生易簡方治牙疳臭爛

桔梗苗香等分燒研傅之
普濟方治鼻衄

桔梗爲末水服方寸七日四服一方加生犀

角屑
古今錄驗方治中蠱下血如雞肝晝

夜出血石餘四臟皆損惟心未毀或鼻破將

死者苦梗爲末以酒服方寸七日三服不能

下藥以物拘口灌之心中當煩須臾自定七

日止當食豬肝肺以補之一方加犀角等分
聖惠方治妊娠中惡心腹疼痛桔梗一兩
生薑三片煎溫服 張文仲備急方治小兒
客忤死不能言桔梗燒研三錢米湯服之仍
吞麝香豆許

簡誤

桔梗之性屬陽而升凡病氣逆上升不得下
降及邪在下焦者勿用凡攻補下焦藥中勿

入雷公云凡使勿用木梗真似桔梗只是咬之腥澀不堪爲異

草蒿味苦寒無毒主疥瘙痂痒惡瘡殺蟲留熱在骨節間明目一名青蒿

雷公云用葉勿用子用根勿用莖蓋四件全用反成痼疾凡采蒿用七歲見七箇小便浸七日七夜曬乾用

疏○草蒿青蒿也稟天地芬芳其性無毒疥瘙痂痒其味苦其氣寒而芬芳其性無毒疥瘙痂痒惡瘡皆由於血熱所致留熱在骨節間者是熱伏於陰分也肝胃無熱則口明苦能泄熱

苦能殺蟲寒能退熱熱去則血分平和陰氣
日長前證自除故悉主之也諸苦寒藥多與
胃氣不宜惟青蒿之氣芬芳可人香氣先入
脾故獨宜於血虛有熱之人以其不犯胃氣
故爾是以蓐勞虛熱非此不除矣

主治參互

青蒿得鼈甲地黃牛膝枸杞麥門冬五味子
除一切產後虛熱寒熱淹延不解亦治一切

虛勞寒熱陰虛五心煩熱腎水真陰不足以
致骨蒸勞熱此爲要藥 陶隱居謂其生掇
傅金瘡大止血生肉止疼痛以帛裹之 陳
藏器謂其主鬼氣尸疰伏雷婦人血氣腹內
滿及冷熱久痢秋冬用子春夏用苗 日華
子謂其能補中益氣輕身補勞駐顏色長毛
髮髮黑不老心痛熱黃主搗汁服 百一方
治蜂螫人嚼青蒿傅瘡上卽瘥 斗門方治

男婦勞瘦用青蒿細剉水三升童便五升同煎取一升半去滓入器中煎成膏丸如梧子大每空心及臨臥溫酒吞二十九 霽苑方治虛勞寒熱肢體倦疼不拘男婦八九月青蒿成實時採之去枝梗以童便浸三日晒乾爲末每服二錢烏梅一箇煎湯服 崔元亮海上方治骨蒸鬼氣用童便五大斗澄清青蒿五斗八九月採帶子者最好細判相和納

大釜中以猛火煎取三大斗去滓漑釜令淨
再以微火煎可二大斗入猪膽一枚同煎一
大斗半去火待冷以磁器盛之每欲服時取
甘草二三兩炙熟爲末以煎和搗干杵爲丸
空腹粥飲下二十九漸增至三十九止十
便良方治骨蒸煩熱用青蒿一握猪膽汁一
枚杏仁四十個去皮尖炒以童溺一大盞煎
五分空心溫服 聖惠總錄治虛勞盜汗煩

熱口乾用青蒿一斤取汁熬膏入沙參末麥
冬末各一兩同熬至可丸丸如梧子大每食
後米飲服二十九名青蒿煎 肘後方治瘧
疾寒熱用青蒿一握水二升搗汁服之 仁
存方治溫瘧痰盛但熱不寒用青蒿二兩童
便浸焙黃丹半兩爲末每服二錢白湯調下
衛生易簡方治鼻衄青蒿搗汁服之并塞
鼻中極驗 永類鈴方治酒痔便血青蒿用

葉不用莖用莖不用葉爲末血從糞前冷水
調糞後溫酒調服 濟急方治牙齒腫痛青
蒿一握煎漱之 聖惠方治耳中出膿青蒿
爲末綿裹納耳中

簡誤

產後氣虛內寒作瀉及飲食停滯泄瀉者勿
用凡產後脾胃薄弱忌與當歸地黃同用
旋覆花味鹹甘溫微溫冷利有小毒主結氣脇

下滿驚悸除水去五藏間寒熱補中下氣消胸
上痰結唾如膠漆心脇痰水膀胱畱飲風氣溼
痺皮間歠肌目中眇眇利大腸通血脈益色澤
一名金沸草五月采花日乾

疏○旋覆花別錄甄權日華子寇宗奭皆無
毒宗奭又加苦辛而曰冷利其稟冬之氣而
生者乎故其味首係之以鹹潤下作鹹鹹能
軟堅別錄加甘甘能緩中微溫溫能通行故

主結氣脇下滿心脾伏飲則病驚悸飲消則
復常矣除水之五臟間寒熱及消胸上痰結
唾如膠滲心脇痰水膀胱留飲風氣溼痺皮
間死肌目中眩眵利大腸者皆軟堅冷利潤
下消痰飲除水之功也其曰補中下氣者以
甘能緩中鹹能潤下故也通血脈益色澤者
蓋指飲消則脾健健則能運行脾養血又統
血故也

主治參互

仲景治傷寒汗下後心下痞堅噫氣不除有
七物旋覆代赭湯成無已曰鞭則氣堅旋覆
之鹹以軟痞堅也 金匱要略治半產漏下

虛寒相搏其脉弦芤旋覆花湯用旋覆花三
兩葱十四莖新絳少許水三升煮一升頓服
胡洽治痰飲在兩脇脹滿有旋覆花丸

總微論治小兒疳癰自疳毛眼睫因癰退不

生用野油花卽旋覆花赤箭卽天麻苗防風
等分爲末洗淨以油調塗之

簡誤

丹溪謂爲走散之藥病人涉虛者不宜多服

冷利大腸虛寒人禁用

藜蘆味辛苦寒微寒有毒主蠱毒欬逆洩痢腸

癖頭瘍疥瘙惡瘡殺諸蟲毒去死肌療噦逆喉

痺不通鼻中息肉馬刀爛瘡不入湯

反知參細辛爲原
黃連爲之使要大黃
忌葱白細辛生菜

疏○藜蘆稟火金之氣以生故其味辛氣寒

雷公曰去頭用糯米講者之性已至未晒乾用口李時珍曰畏葱白犯之令人吐不止飲

別錄苦微寒有毒入手太陰足陽明經本經

急湯即止

主蠱毒欬逆及別錄療噦逆喉痺不通者皆

取其宣壅導滯之力苦為涌劑故能使邪氣

痰熱胸膈部分之病悉皆吐出也辛能散結

故主鼻中息肉苦能泄熱殺蟲故主洩痢腸

澼頭瘍疥瘙殺諸蟲毒也瘡瘍皆溼熱所生

溼熱不去則肌肉潰爛苦寒能瀉溼熱則馬

乃惡瘡爛瘡死肌皆愈也味至苦入口即吐
故不入湯

主治參互

經驗方諸風痰飲藜蘆十分鬱金一分爲末
每以一字溫漿水一盞和服探吐 簡要濟

衆方中風不省牙關緊急者藜蘆一兩去苗
農煎防風湯洗焙乾切片炒爲末每服半錢
小兒減半溫水調灌吐出風涎效 聖惠方

諸風頭痛以藜蘆一莖日乾研末入麝香少
許吹鼻 保命集久瘧痰多不食欲吐不吐
藜蘆末半錢溫漿水調下探吐

簡誤

藜蘆辛苦有大毒服一七則令人胸中煩悶
吐逆不止凡胸中有痰飲或中蠱毒惡氣者
止可借其上涌宣吐之力獲効一時設病非
關是者切勿沾唇徒令人悶亂吐逆不止虧

損津液也

射干味苦平微溫有毒主欬逆上氣喉痺咽痛
不得消息散結氣腹中邪逆食飲大熱療老血
在心脾間欬唾言語氣臭散胸中熱氣久服令
人虛

一名烏羽葉 一名仙人掌 以葉入湯名 一名紫蝴蝶 以花湯名

實曰白先以米泔水浸一宿蒸熟晒用 李時珍曰性寒多服傷人
疏○射干稟金氣而兼火火金相搏則辛而

有毒故本經謂其味苦平有毒平亦辛也別
錄微溫保昇微寒二說一義並無異云潔古

云味苦陽中陰也入手少陽少陰厥陰經苦
能下洩故善降兼辛故善散故主欬逆上氣
喉痺咽痛不得消息散結氣胸中邪逆既降
且散益以微寒故主食飲大熱別錄又主老
血在心脾間欬唾言語氣臭散胸中熱氣甄
權主疰氣消瘀血主女人月閉日華子主消
痰破癥結胸膈滿腹脹氣喘疰癰寇宗奭主
肺氣喉痺爲佳潔古主胃中癰瘡皆此意也

丹溪主行太陰厥陰之積痰使結核自消甚捷又治足厥陰溼氣下流因疲勞而發爲便毒悉取其洩熱散結之力耳故古方治喉痺咽痛爲要藥

主治參互

仲景金匱方治欬逆上氣喉中作水雞聲射干麻黃湯 入鼈甲煎丸治瘧母 袖珍方
治咽喉腫痛用生射干猪脂各四兩合煎令

焦去滓每噲棗許卽瘥 醫方大成治喉痺

俗名天竹

不通用扁竹新根插汁嚥之大腸動卽解或

醋研汁噲引涎出亦妙驗過 便民方亦治喉痺

不通用紫蝴蝶根一錢黃芩生甘草桔梗各

五分爲末水調頓服立愈名奪命散 永類

鈴方治乳癰初腫用扁竹根如僵蚕者同萱

草根爲末蜜調敷之神效 孫真人千金

治喉痺有烏嬰膏

簡誤

射干雖能降手少陽厥陰相火洩熱散結消
腫痛然無益陰之性故別錄云久服令人虛
凡脾胃薄弱臟寒氣血虛人病無實熱者禁
用

常山味苦辛寒微寒有毒主傷寒寒熱發溫
瘧鬼毒胸中痰結吐逆療鬼蠱往來水脹洒洒

惡寒鼠瘦

畏玉札

得醋煮良不吐不瀉

李時珍云有酒浸蒸熟或瓦

炒熟者亦不甚吐人

疏○常山稟天地陰寒之氣以生故其味苦
寒別錄桐君益之以辛宜其有毒也苦泄辛
散故善逐飲陰寒祛熱故善破瘴癘入口卽
吐其性暴悍又可知已本經主傷寒寒熱宜
作主山嵐瘴氣寒熱發爲溫瘧鬼毒胸中痰
結古方治瘧多用蓋以嶺南西粵鬼方咸多
山嵐瘴癘之氣所感邪氣充於榮衛皮膚之
間欲去皮膚毛孔中瘴氣根本非常山不可

以其性能祛逐老痰積飲善散山嵐瘴癘之
邪故也

主治參互

治山嵐瘴氣作瘧百藥不効秘方常山四兩
砂仁四兩檳榔二兩米醋浸入瓷器中二宿
取出各炒燥爲末雞子清和丸如菉豆大五
更新汲水向東吞三五錢一服可止九月已
後宜以酒吞 劉長春經驗方治瘴瘧寒熱

用常山一寸草果一枚熱酒一盞浸一宿五
更向東飲之蓋臥酒醒卽愈 肘後方治三
十年老瘧及積年久瘧常山黃連各一兩酒
三升漬一宿以瓦釜煮取一升半發日早服
五合發時再服熱當吐冷當利無不瘥者

簡誤

常山陰毒之草也其性暴悍雖能破瘴癘逐
積飲然善損真氣故瘧非由於瘴氣及老痰

積飲所致者勿用經曰夏傷於暑秋必痲瘧
又曰邪之所湊其氣必虛暑邪乘虛客於五
臟六腑十二經瘧亦因之而發內經載之詳
矣王好古分條立方殊得仲景遺意此皆瘧
之對病正藥也並不得妄用常山虛人真氣
變爲危證戒之戒之清暑養胃健脾消痰乃
治瘧之正法稍久則當分氣血施補助靡不
愈者又安所事常山乎

甘遂味苦甘寒大寒有毒主大腹疝瘕腹痛面目浮腫留飲宿食破癥堅積聚利水穀道下水散膀胱留熱皮中痞熱氣腫滿

瓜蒂為之使惡遠志反甘

草

李時珍云以麩包煨熟去其毒

疏○甘遂稟大地陰寒之氣以生故其味苦

其氣寒而有毒亦陰草也水屬陰各從其類故善逐水其主大腹者即世所謂水蠱也又

主疝瘕腹滿面目浮腫及留飲利水道穀道

下五水散膀胱留熱皮中痞氣腫滿者謂諸
病皆從水溼所生水去飲消溼除是拔其本
也潔古謂其味苦性寒苦性泄寒勝熱直達
水氣所結之處乃泄水之聖藥水結胸非此
不能除故仲景大陷胸湯用之但有毒不可
輕用其性之惡可槩見已其根皮赤肉白作
連珠實重者良

生治參互

入陷胸湯治傷寒水結胸有神 聖濟總錄

治膜外水氣甘遂末大麥麩各半兩水和作餅燒熟食之取利 肘後方治身而洪腫甘

遂末二錢以雄猪腰子一枚分作七片入末在內溼紙包煨令熟每日服一片至四五服當覺腹鳴小便利是其効也 張仲景金匱

玉函方治心下畱飲堅滿脉伏其人欲自利

及快甘遂半夏湯用甘遂大者三枚半夏十

二枚以水一升煮半升入芍藥五枚水二升
煮半升去滓以蜜半升同煎至八合頓服之
筆峰雜興方治小便轉脬甘遂末一錢猪
苓湯調下立通 秘方治體氣甘遂末一錢
同猪肉煮食於野地中掘一坑令患人至彼
處向上風站立以甘草末唾調入臍內須臾
腹中作響取利下黑汁亟從上風奔回可絕
不絕再作一服仍前用之

簡誤

甘遂性陰毒雖善下水除溼然能耗損真氣
虧竭津液元氣虛人除傷寒水結胸不得不
用外其餘水腫鼓脹類多脾陰不足土虛不
能制水以致水氣泛濫卽劉河間云諸溼腫
滿屬脾土法應補脾實土兼利小便不此之
圖而反用甘遂下之是重虛其虛也水旣蹙
去復腫必死矣必察病屬溼熱有飲有水而

元氣尚壯之人乃可一施耳不然禍不旋踵
矣戒之戒之慎之慎之

白欬味苦甘平微寒無毒主癰腫疽瘡散結氣
止痛除熱目中赤小兒驚癇溫瘧女子陰中腫
痛下赤白殺火毒

反烏
頭

代赭石之使

疏○白欬得金氣故味苦平平應作辛別錄
兼甘其氣微寒無毒苦則泄辛則散甘則緩
寒則除熱故主癰腫疽瘡散結止痛蓋以癰

疽皆由榮氣不從逆於肉裏所致女子陰中
腫痛亦由血分有熱之故火毒傷肌肉卽血
分有熱目中赤亦血熱爲病散結涼血除熱
則上來諸苦茂不濟矣其治小兒驚癇溫瘧
及婦人下赤白則雖云驚癇屬風熱溫瘧由
於暑赤白淋屬溼熱或可通用然病各有因
藥各有主以類推之恐非其任矣尚俟後哲
詳之總之爲疔腫癰疽家要藥乃確論也

主治參互

白歛得白及紅藥子加硃砂雄黃乳沒腦麝
爲傅癰疽止痛散毒之上藥 肘後方治發
背初起水調白歛末傅之 聖惠方治疔瘡
初起同上 陶隱居治一切癰腫白歛赤小
豆茜草爲末雞子白調塗之又方白歛二分
藜蘆一分爲末酒和貼之日三上 御藥院
方治面鼻酒皸白歛白石脂杏仁各半兩爲

末雞子調塗日一洗 肘後方治面生粉刺

白歛二分杏仁半分雞屎白一分爲末蜜和

雜水拭面 談野翁治凍耳成瘡白歛黃檗

等分爲末生油調搽 外臺方治湯火灼爛

白歛末傅之 聖惠方治鐵刺諸哽及竹木

哽在咽中白歛半夏泡等分爲末酒服半錢

日二服又治刺在肉中方同上 千金方治

風痺筋急腫痛屈轉異常處白歛二分熟附

子一分爲末每酒服半刀圭日二服以身中
熱行爲候十日便覺忌猪肉冷水 瑞竹堂
方治諸瘡不斂口白斂赤斂黃檗各三錢炒
研輕粉一錢用葱白漿水洗淨傅之

簡誤

癰疽已潰不宜服

白及味苦辛平微寒無毒主癰腫惡瘡敗疽傷
陰成肌胃中邪氣賊風鬼擊非緩不收除白癬

疥蟲紫石英爲之使惡理石
畏李核杏仁及烏頭

疏○白及本經味苦平別錄加辛微寒李當
之大寒日華子加甘東垣亦微寒謂其性瀆
陽中之陰收也辛爲金味收爲金氣其爲得
季秋之氣而兼金水之性者哉宜乎入肺理
傷有奇効矣苦能洩熱辛能散結癰疽皆由
榮氣不從逆於肉裏所生敗疽傷陰死肌皆
熱壅血瘀所致故悉主之也胃中邪氣者卽

邪熱也賊風鬼擊痲緩不收皆血分有熱溼
熱傷陰之所生也入血分以洩熱散結逐腐
則諸證靡不瘳矣

主治參互

白及性瀉破散中有收斂蓋去腐逐瘀以生
新之藥也得白斂紅藥子加腦麝乳沒治一
切癰疽腫毒止痛散結排膿有神 一味爲
細末米飲調三錢服治損肺吐血有奇効

經驗方治鼻衄不止津調白及末塗山根上
仍以水服一錢立止 袖珍方治疔瘡腫毒
白及末半錢以水澄之去水攤於厚紙上貼
之 永類鈴方治打跌骨折酒調白及末二
錢服其功不減於自然銅古銖錢也 濟急
方治手足皸裂白及末水調塞之勿犯水
趙真人方治湯火傷灼白及末油調傅之

癰疽已潰不宜同苦寒藥服

大戟味苦甘寒大寒有小毒主蠱毒十二水腫

滿急痛積聚中風皮膚疼痛吐逆頸腋癰腫頭

痛發汗利大小腸

反芫花海藻
反甘草畏茵蓐
蒲蘆葶草鼠糞

去毒根
小豆為之使
得毒良

○大戟稟天地陰毒之氣以生故味苦寒

雷公云勿用附生者誤服令人洩氣不禁也李時珍云以將水炒煮軟去其骨晒乾用

而有小毒甄權潔古兼辛別錄兼甘應是辛

多非辛則無毒矣苦寒故善下走而入腎肝

辛則橫走無所不到矣潔古又謂瀉肺損真

氣其主下蠱毒者以蠱毒必熱必辛辛則散
走臟腑故假其辛寒以搜其辛熱是以毒攻
毒也苦寒下洩故能逐諸有餘之水溼熱及
留飲在中下二焦則爲腹滿急痛或成積聚
苦辛甘寒故散頸腋癰腫利大小便瀉毒藥
通月水陰草苦辛有毒故又墮胎也天行黃
病非元氣實者勿用經曰邪之所湊其氣必
虛中風之人其虛必矣本經末又謂其主

風皮膚疼痛吐逆者非也焉有虛病而可施
苦寒有毒下泄之藥哉是重虛其虛也

主治參互

大戟入玉樞丹紫金錠則解蠱毒熱毒癰疽
疔腫及蛇蟲諸毒內服外敷取利爲度 百
祥丸治痘瘡變黑乾陷不發寒而大便閉結
者用大戟一兩棗三枚水一碗同煮曝乾去
大戟以棗肉焙丸服從三分服至五分以利

爲度 三因方控涎丹治痰涎壅在胸膈上
下變爲諸病或頸項胸背腰脇手足胣髀隱
痛不可忍筋骨牽引釣痛走易及皮膚麻痺
似乎癱瘓不可誤作風氣風毒及瘡疽施治
又治頭痛不可舉或睡中流涎或欬唾喘息
或痰迷心竅並宜此藥數服痰涎自失諸疾
尋愈紫大戟白甘遂白芥子微炒各一兩爲
末薑汁打麩糊丸梧子大每服七丸或二十

丸以津液嚥下若取利則服五六十丸
金方中風發熱大戟苦參各四兩白酢漿一
斗煮熟洗之寒乃止 生生方牙齒搖痛大
戟咬於痛處良

簡誤

大戟陰寒善走而下洩潔古謂其損真氣故
凡水腫不由於受溼停水而由於脾虛土堅
則水清土虛則水泛濫實脾則能制水此必

然之數也今不補脾而復用疎洩追逐之藥
是重虛其虛也宜辨而深戒之惟畱飲伏
飲停滯中焦及元氣壯實人患水溼乃可一
暫施耳

貫衆味苦微寒有毒主腹中邪熱氣諸毒殺三
蟲去寸白破癥瘕除頭風止金瘡花療惡瘡令

人洩

赤小豆
爲之使

疏○貫衆味苦而又微寒止應云有小毒以

其苦寒故主腹中邪熱氣諸毒三蟲皆由
熱所生苦寒除溼熱則三蟲自死矣苦以洩
之亦兼有散之之義故破癥瘕苦寒能除風
熱故止頭風金瘡出血後必發熱洩熱散結
則金瘡自止

主治參互

買眾一味為細末水調一錢七治鼻衄有效
雞魚骨啞費製砂仁甘草等分為粗末綿包含嚙其汁久自隨痰出
疫氣發時以此藥置水中令人飲此水則

不傳染

簡誤

病人虛寒無實熱者禁用

羊躑躅味辛溫有大毒主賊風在皮膚中淫淫痛溫瘡惡毒諸痺邪氣鬼疰蠱毒

畏危子要諸石及麩

疏○羊躑躅毒藥也然性能祛風寒溼故可以治惡痺痺者風寒溼所成也然非元氣未虛脾胃尚實之人不可用凡用此等毒藥亦

須雜以安胃和氣血藥同用

簡誤

躑躅性發散氣血虛人忌之不可近眼